

---

# Bangê Têhelandinê



**Xalid Elî Silêvanî**

Were xewnê û bêhna xewnan  
Bo balgehê xwe bihêle  
çavên şevê kil bide  
Bi rejûya hestîyên  
Ezmûneka xilole...  
Eve tuxûbên navê min  
Yên têhna te dimêjn  
Dengê min yê rêka te  
Bi hedarê buyax diket..  
Rûs were û cilên penaberîyê  
Di nav tabûta xerîbîyê li sinorî  
Bin ax bike..  
Hemû gunehên te heyn

Bi gulava hembêzbûna lêvên min bişû..  
Bi lez were  
Du çengên elhoyekî qer bike  
çunku dem yê diqurmiçit  
Benkê daverista vegeryanê  
Hêdî hêdî yê dipiçit.. û  
Ez.. ax ez..!  
Yê li ser çavên du gunehan  
Nivêja xwe ya nexrî û dumahîyê  
dipêçim..  
Ji bîr nekî ji berî tu bihêy  
şûna hemû maçên hîz  
ji herdu lêvên xwe bi daqute..!